

夫天地者，萬物之逆旅；光陰者，百代之過客；
而浮生若夢，為歡幾何？古人秉燭夜遊，良有
以也。況陽春召我以煙景，大塊假我以文章，
會桃李之芳園，敘天倫之樂事。群季俊秀，皆
為惠連，吾人詠歌，獨慚康樂。幽賞未已，高談
轉清。開瓊筵以坐花，飛羽觴而醉月。不有佳
作，何伸雅懷？如詩不成，罰依金谷酒數。

李白春夜宴桃李園序
丁酉年孟冬蔡榮林



書